



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 415
fax. +387 33 726 414
e-mail: info@voda.ba

Broj: **UP-1/21-3-40-535-5/23**

Datum: **05.01.2024. godine**

«Agencija za vodno područje rijeke Save» Sarajevo rješavajući po zahtjevu JP „Elektroprivreda BiH” d.d. Sarajevo, direkcija društva „Proizvodnja”, broj 02-29555-1/2023 od 01.09.2023. godine za produženje vodne dozvole za postojeći hidroenergetski objekat mala hidroelektrana „Bihać” na području općine Bihać na osnovu člana 109. stav (1) tačka 6., člana 139. stav (1) tačka 7. Zakona o vodama («Službene novine Federacije BiH», broj 70/06), i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E **o vodnoj dozvoli**

1. Odobrava se produženje vodne dozvole JP Elektroprivreda BiH d.d. Sarajevo – direkcija društva „Proizvodnja”, za korištenje voda za proizvodnju električne energije na postojećem objektu mala hidroelektrana „Bihać”.
2. Vodna dozvola se produžava na osnovu dostavljene dokumentacije, utvrđenog činjeničnog stanja prilikom vršenja uviđaja na licu mjesta, tehničke i ostale dokumentacije dostavljene od strane Investitora i utvrđenog javnog interesa uz slijedeće uslove:
 - 2.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 2.2. Da se u vremenu trajanja ove dozvole obezbjedi od strane korisnika kontinuirano evidentiranje količina zahvaćene vode putem automatiziranog hidrološkog monitoringa koji se provodi na mjernom profilu na izlazu iz difuzora, te da se mjerno mjesto poveže u automatski sistem hidrološkog monitoringa AVP Sava.
 - 2.3. Da se upravljanje i manipulacija hidromehaničkom opremom hidroelektrane vrši u skladu sa odredbama i opisima datim u „Planu pogona i održavanja” u skladu sa odredbama Pravilnika o minimumu sadržaja općeg akta o održavanju, korištenju i promatranju vodoprivrednih objekata za izdavanje vodne dozvole za pogon MHE „Bihać”, te da se objekti MHE „Bihać” - Bihać održavaju, koriste i osmatraju u skladu sa ovim aktom.
 - 2.4. U toku važenja dozvole vršiti tehničko osmatranje objekta i okolnog terena MHE „Bihać” - Bihać te da se sva značajna opažanja interpretiraju u skladu sa važećim propisima.
 - 2.5. U toku važenja dozvole realizirati odgovarajuće rješenje sa turbinskim i generatorskim „eko ležajevima” od novih, savremenih materijala, čije se hlađenje vrši vodom, a ne uljima kao što je trenutna situacija.
 - 2.6. Da se vodi dnevnik rada o svim manipulacijama i pojavama koje se dešavaju na objektima.
 - 2.7. Da se trajno čuva sva raspoloživa dokumentacija i na zahtjev nadležnih organa iz sektora voda, stavi na uvid.

- 2.8. Da se u slučaju pojave vanrednih situacija i prirodnih nesreća (incidentna zagađenja, rušenja obala, ekstremno velike vode, ekstremne suše i dr.) postupa prema uputama definiranim u „Planu pogona i održavanja u skladu sa odredbama Pravilnika o minimumu sadržaja općeg akta o održavanju, korištenju i promatranju vodoprivrednih objekata za izdavanje vodne dozvole za pogon MHE „Bihać“ - Bihać.
- 2.9. Da vrši redovno vođenje mjesečnih izvještaja o količinama iskorištene vode za proizvodnju električne energije – „PEE obrasca“ i da se vrši redovito obračunavanje i plaćanje posebne vodne naknade za iskorištavanje vode u skladu sa važećim propisima.
- 2.10. Da se sukladno važećoj zakonskoj regulativi pribavi nedostajuća projektna dokumentacija – urade projekti izvedenog stanja za postojeći hidrotehnički objekt, te na osnovu istog pribavi odobrenje za upotrebu predmetnog hidrotehničkog objekta.
3. Prava na korištenje voda stečena po ovoj vodnoj dozvoli ne mogu se prenositi na druga pravna ili fizička lica.
4. Ukoliko radom hidroenergetskog objekta MHE „Bihać“ - Bihać, dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ova vodna dozvola, shodno članu 117. stav 1. Zakona o vodama («Službene novine Federacije BiH» broj 70/06) se daje sa rokom važenja od 5 (pet) godina od dana pravosnažnosti ovog rješenja.
7. Prije isteka važnosti ove dozvole Korisnik je dužan da zatraži njeno produženje ili podnese zahtjev za izdavanje nove vodne dozvole.
8. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

JP „Elektroprivreda BiH“ d.d. Sarajevo, Podružnica Elektrodistribucija Bihać svojim aktom broj: 02-29555-1/2023 od 01.09.2023. godine zatražila je produženje vodne dozvole za korištenje voda za postojeći hidroenergetski objekat MHE „Bihać“ u Bihaću.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka, izdano od strane Općinskog suda u Sarajevu, broj 065-0-reg-23-003795, dana 10.10.2023. godine,
- Ovjerena kopija Obavještenja o razvrstavanju dijelova pravnog lica prema djelatnosti za JP „Elektroprivreda BiH d.d. Sarajevo“; dato od strane Službe za statistiku za područje Kantona Sarajevo, broj 07-32.5-4751/15, dana 03.03.2015. godine,
- Ovjerena kopija Uvjerenja o poreznoj registraciji, izdano dana 15.07.2004. godine, od strane Federalnog ministarstva finansija, Porezne uprave – Kantonalni ured Sarajevo,
- Kopija Uvjerenja kojim se potvrđuje da „JP Elektroprivreda BiH“ nema dospeljih obaveza Upravi za indirektno oporezivanje pod PDV brojem 200225150005 na dan 20.11.2023. godine, broj izdatog uvjerenja 02/6/II-16-11-20-13692/23 od 20.11.2023. godine izdato od Uprave za indirektno oporezivanje – Regionalni centar Sarajevo,
- Dokaz o uplaćenju upravnoj pristojbi,
- Kopija rješenja o vodnoj dozvoli, izdano od strane Agencije za vodno područje rijeke Save Sarajevo, pod brojem UP-I/25-3-40-357-6/18, dana 19.10.2018. godine,

- Kopija Zaključka o odbacivanju zahtjeva za produženje okolišne dozvole za objekat mini hidroelektrane „Bihać“ izdatog pod brojem: UPI 05/2-02-19-5-77/22 od 12.12.2022. godine od strane Federalnog ministarstva okoliša i turizma Sarajevo, zbog nepostojanja uvjeta za pokretanje upravnog postupka,
- Plan pogona i održavanja u skladu sa odredbama Pravilnika o minimumu sadržaja Općeg akta o održavanju, korištenju i promatranju vodoprivrednih objekata za izdavanje vodoprivredne dozvole za pogona MHE „BIHAĆ“ Bihać, urađen juna 2008. godine, u Bihaću,

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak objekta pogona MHE i tom prilikom je sačinjen zapisnik o uviđaju broj: UP-1/21-3-40-535-4/23 od 29.12.2023. godine.

Uvidom na objektu je utvrđeno:

MHE „Bihać“ u Bihaću je protočna mala hidroelektrana koja nema mogućnost izravnjanja proticaja.

Ovo hidroenergetsko postrojenje je izgrađeno 1911. godine i sastoji se od više objekata od kojih je prvi betonski prag (pregrada) u koritu rijeke Une koji usmjerava vodu prema ulaznoj građevini derivacionog dovodnog kanala na lijevoj obali. Betonski prag je dužine 70 m, širine u kruni oko 1,0 m i visine 1,5 m. Na prelivnom pragu, neposredno prije ulazne građevine nalazi se rasteretni (zaobilazni) kanal snabdjeven tablastim zatvaračem. Rasteretni kanal služi za odvođenje viška vode u slučaju pojave većih proticaja. Ulazna građevina dovodnog kanala snabdjevena je sa tri tablasta zatvarača. Dovodni kanal je otvoreni kanal sa gravitacionim tečenjem dužine oko 1000 m. Profil kanala je trapezni širine u dnu 4,0 m, obloga kanala je betonska. Pred strojarom se nalazi otvorena vodna komora sa centralnim tablastim zatvaračem sa kojim se vrši regulacija nivoa u vodnoj komori i preko koga se vrši ispiranje nanosa u komori. Vodna komora ujedno vrši funkciju vodostaja u situacijama nagle promjene režima rada elektrane. U strojari su smještene dva turbinska postrojenja. Jedna turbina nije u radu i služi kao muzejski primjerak, a druga je rekonstruisana (zamjenjena novom) snage 160 kW. Instalirani protok hidroelektrane je 9,0 m³/s. Iskorištena voda se preko difuzorskog izlaza ispušta u rijeku Unu.

Podnosiocu akta je izdana vodna dozvola 19.10.2018. godine na rok od pet godina.

Uvidom u dokumentaciju i uviđajem na objektu utvrđeno je se slijedeće:

Korisnik, JP „Elektroprivreda BiH“ d.d. Sarajevo, Podružnica Elektrodistribucija Bihać je zahtjev za produženje vodne dozvole podnijela u roku.

Tačkom 2. dispozitiva rješenja postavljeni su uslovi pod kojima se izdaje ova vodna dozvola u skladu sa odredbama člana 116. stav 1. Zakona o vodama.

Tačkom 2.1. dispozitiva rješenja postavljeni su uslovi iz člana 13. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22).

Tačkom 2.2. dispozitiva rješenja postavljeni su uslovi iz člana 50. Zakona o vodama.

Tačkom 2.3. dispozitiva rješenja postavljeni su uslovi iz člana 50. Zakona o vodama.

Tačkom 2.4. dispozitiva rješenja postavljeni su uslovi iz člana 12. stav (3) tačka 5. Pravilnika o sadržaju, obliku, uslovima, načinu izdavanja i čuvanja vodnih akata.

Tačkom 2.5. dispozitiva rješenja predviđena je obaveza podnosiocu zahtjeva u skladu sa odredbama člana 20. stav (1) Zakona o vodama.

Tačkom 2.6. dispozitiva rješenja postavljena je obaveza podnosiocu zahtjeva u skladu sa odredbama člana 12. stav (3) tačka 5. Pravilnika o sadržaju, obliku, uslovima, načinu izdavanja i čuvanja vodnih akata.

Tačkom 2.7. dispozitiva rješenja postavljena je obaveza podnosiocu zahtjeva u skladu sa odredbama člana 31. Pravilnika o sadržaju, obliku, uslovima, načinu izdavanja i čuvanja vodnih akata.

Tačkom 2.8. dispozitiva rješenja postavljena je obaveza podnosiocu zahtjeva u skladu sa odredbama člana 12. Stav (3) tačka 5. Pravilnika o sadržaju, obliku, uslovima, načinu izdavanja i čuvanja vodnih akata.

Tačkom 2.9. dispozitiva rješenja postavljena je obaveza podnosiocu zahtjeva u skladu sa odredbama člana III stav C tačka 28. Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opće vodne naknade i posebnih vodnih naknada („Službene novine FBiH“ br. 92/07, 46/09, 79/11, 88/12 i 03/16).

Tačkom 3. dispozitiva predviđena je zabrana u skladu sa članom 117. stav (2) Zakona o vodama.

Tačkom 4. dispozitiva rješenja predviđena je obaveza podnosiocu zahtjeva u skladu sa odredbama čl. 94. stav (3) Zakona o vodama, te obaveza da ukoliko zbog korištenja voda za rad objekta i postrojenja MHE „Bihać“ u Bihaću dođe do poremećaja ili promjene režima voda, a to prouzrokuje štete ma kakvog karaktera, da se šteta otkloni i nastale štete nadoknade.

Tačkom 5. dispozitiva rješenja predviđena je obaveza podnosiocu zahtjeva u skladu sa odredbama člana 20. stav (1) Zakona o vodama.

Tačkom 6. dispozitiva je propisana u skladu sa članom 117. stav (1) Zakona o vodama.

Tačkom 7. dispozitiva je propisan uslov u skladu sa članom 118. stav (3) Zakona o vodama.

Tačkom 8. dispozitiva je propisan uslov u skladu sa članom 130. Zakona o vodama.

Na osnovu provedenog postupka konstatuje se da je podnosilac zahtjeva, JP «Elektroprivreda BiH» d.d. - Sarajevo, Podružnica Elektroprivreda Bihać, ispunio minimum uslova za izdavanje vodne dozvole za korištenje voda za rad hidroelektrane MHE „BIHAĆ“ u Bihaću, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu pristojbe iz tarifnog broja 43. Zakona o federalnim pravnim pristojbama i Tarife federalnih upravnih pristojbi («Službene novine Federacije BiH», broj 06/98 i 8/00).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl. inž.

Po ovlaštenju

Rukovodilac Sektora za izdavanje vodnih akata



Haris Ališehović, dipl.inž.građ.

Dostaviti:

- JP Elektroprivreda BiH d.d. Sarajevo, Wilsonovo šetalište 15. 71000 Sarajevo
- Proizvodnja el. Energije, MHE Bihać, Bosanska 25, 77 000 Bihać
- AVP Sava, ISV - Vodna knjiga
- Sektor 50
- Sektor 40, arhiva,
- Oglasna ploča AVP Sava